

# O Se Penina Moni.



Saunia e Amy M. Morgan  
E faavae i se tala moni

“O mea laiti ma faatauvaa  
e faataunuu ai mea tetele”  
(Alema 37:6).

Sa tosoese e Jetta Pearl Stewart  
Lona pulou ma faapalasi i lalo  
i le poletito i autafa o Tama. “O le  
a le penina?” na ia fesili ai ia te ia.

Sa iloa e Jetta e valu-tausaga-le-  
matua le mea e tau o se penina,  
ae sa fiafia o ia e faalogo i le tali  
a Tama. E pei o taimi uma lava,  
na faamalamalama mai e Tama pe  
faapefea ona tuputupu ae penina  
i faisua, o lea vaega i luga o lea  
vaega, seia oo ina avea i latou ma  
se maataua susulu, ma le iila.

“O penina e susulu e pei o oe,  
o la’u Penina Jetta laitiiti,” na ia fai  
mai ai, ma ataata. Sa ataata atu foi  
Jetta. E fiafia o ia e avea ma ana  
Penina.

I le taumafataga i lena po, na tau  
atu e Tama ia Jetta sa i ai sana fesili  
taua mo ia.

“Talu mai lava lou laitiiti, sa i ai sou  
auala faapitoa i musika,” na fai mai ai  
Tama. “E te fia aoao e ta le piano?”

Na faalapotopota atu mata o Jetta.  
“Oka, ioe!”

“O lona uiga o le malaga mamao  
ese ma nonofo ai ma lou faiaoga mo  
sina taimi,” le tala a Tina. “E lei se  
tasi e mafai ona aoaoina oe iinei i  
Milburn.”

Na mou ese le ataata a Jetta. E  
lei alu ese lava o ia mai lona aiga

*Sa manao Jetta e ta le  
piano, ae e mafai ona  
ia tuua lona aiga?*

mo le sili atu ma se aso. Ma o le a  
*mamao* ese . . .

“Ae e taua mo i tatou e atiina ae  
a tatou taleni, e tusa lava pe faigata,”  
o le tala lea a Tama.

Na lue atu le ulu o Tina. “E tatau  
ona e galue malosia,” o lana tala lea.

O Jetta e *fiafia* i musika. Ma sa  
masani lava ona ia manao e ta le  
piano. Ona oo mai lemu lea, o se  
ataata i ona foliga. “O le a ou taina  
le piano!”

Ae o le taeao na sosoo ai, a o  
vaavaai atu Jetta ia Tama o faapipii  
le solofanua i le taavale toso, sa ia le  
lagonaina lava se fiafia. I le aso, ua  
na o le fefe lava o ia. Sa lei faamoe-  
moeina e ia e tuua vave le aiga.

Sa ae lemu atu Jetta i totonu o le  
taavaletoso i autafa o Tama.

“Ua e saunia, Jetta Pearl?” na ia  
fai atu ai.

Sa ia lagonaina le le saunia, ae na  
luelue le ulu o Jetta. Na tau malua  
atu le taavaletoso i luma.

Ina ua mavae se taimi, na  
tilotilo atu Tama ia te ia. “Pe e  
te iloa lo ma mitamita tele ma lou  
tina ia te oe?”

Na luelue atu le ulu o Jetta. “Ae  
faapefea pe afai e te manaomia la’u  
fesoasoani i le fale?”

Sa ataata Tama. “O le a mautinoa  
lo matou misia o oe, ae o se auala  
lenei ua na o oe e mafai ona feso-  
asoani ai. O le a e auuina atu i le  
Tama Faalelagi e ala i le atiina ae o  
meaalofa ua Ia tuuina mai ia te oe.”

Sa le’i mafaufau lava o ia faa-  
pena. Pe o lana taleni faamusika  
o se meaalofa moni mai le Tama  
Faalelagi?

Sa faaaauu pea Tama. “O le a  
faaalu ai se taimi, ae mai lea vaega  
itiiti i lea vaega itiiti o le a faasolo  
ina e lelei i le taina o le piano. Ona  
e mafai ai lea ona auuina atu i le  
tele o tagata.”

Na lagona e Jetta ua amata ona  
mou ese atu lona fefe. O le a ia aoao  
e ta le piano *ma* auuina atu i le Tama  
Faalelagi. O le a tauaafefe, ae sa ia  
iloina o le a Ia fesoasoani ia te ia.

Na faaivi atu le mata o Tama. “O  
le lea vaega i lea vaega, o la’u Penina  
laitiiti ua amata ona susulu ma iila.”

E pei lava ona fai mai ai Tama,  
mai lea vaega itiiti i lea vaega itiiti  
na aoao Jetta e ta le piano. Sa ia  
aoaoina foi pe faapefea ona taina  
le okeni.



Ina ua mavae ni nai masina, na  
toe foi mai Jetta i le fale. O lena aso  
Sa amata ona avea o ia ma ta okeni  
muamua lava a Milburn! Sa tata faa-  
topetope lona fatu ao nofo o ia i le  
okeni tele na galulue le alalafaga e  
faatau mai mo ia e taina. Sa matago-  
fie tele le okeni sa toetoe lava a fefe  
Jetta e tago i ai. Sa tatau ona nofo o

ia i luga o se tusi ina ia au atu ai i ki  
o le piano.

Sa fai sana manava lapoa lava ma  
amata loa ona ta le okeni. Sa faatu-  
mulia le potu i le musika, na atoatoa  
ma matagofie.

Na faasiusiu mata atu Jetta i le  
faapotopotoga. Sa ataata tagata a  
o latou pepese. Sa ataata foi Jetta.

Sa mamao lava lana tata mai le ato-  
toa, ae sa ia faaaogaina ana taleni  
e auuina atu ai.

Ia manatua upu a Tama: “O penina  
susulu e pei o oe, Jetta Pearl.”

Mai lea vaega itiiti i lea vaega  
itiiti, sa faia e Tama Faalelagi o ia  
ia avea o se penina moni. ■

*E alala le tusitala i Iuta, ISA.*